

華陽國志卷之十上

晉散騎常侍導江常

璩道將撰

明姑孰古繁李一公闇生補考訂

滇昆明 苗裔昌心印補考訂

關中 胡希舜願玄甫

雲間 朱長芳幼馨甫

楚晴川 王 袵章甫父

南州 李日輔元卿甫仝梓

關中後學胡廷器含素甫 成都後學賀登瀛南之甫校

先賢士女總讚

含和誕氣人倫資生必有賢彥為人經紀宣德達
教博化篤俗故太上立德其次立功其次立言
品物煥炳彞倫攸叙也益梁爰在前代則夏勳
配天而彭祖體地及至周世韓服將命蔓子忠
堅然顯者猶鮮豈國史簡闕亦將分以秦楚希
預華同自漢興以來迄乎魏晉多士克生髦俊
蓋世愷元之疇感於帝恩於是璽書交馳於斜
谷之南束帛戔戔於梁益之鄉或迺龍飛紫閣
允陟璿璣亦有磐桓利居經綸皓素其毓慶

術服膺六藝翹車之招旃旌之命微名聘德忠
臣孝子烈士賢女高劬足以振玄風貞淑可以
方蘋蘩者弈世載美是以四方述作來世志士
莫不仰高軌以咨詠憲洪猷而儀別擅名八區
為世師表矣故耆舊之篇較義史漢而今志州
部區別未可總而言之用敢撰約其善為之述
讚因自注解甄其洪伐尋事釋義舉可以知其
前言往行矣

蜀郡士女

君平木柱
避漢歸故
今人但知
其姓而不知
其避嚴子
也

莊平恬泊皓然沉冥 莊遵字君平成都人也雅

性澹泊學業加妙專精大易耽於老莊常卜筮

於市假著龜以教與人子卜教以孝與人弟卜

教以悌與人臣卜教以忠於是風移俗易上下

慈和日閱得百錢則閉肆下簾授老莊著指歸

為道書之宗揚雄少師之稱其德杜陵李強為

益州刺史謂雄曰吾真得君平矣雄曰君但可

見不能屈也強以為不然至州修禮交遵遵見

之強服其清高而不敢屈也歎曰揚子雲真知

人也年九十卒雄稱之曰不慕夷即由矣不作

苟見不治苟得久幽而不改其操雖隨和何以

加諸

仲元抑抑邦家儀形 李和字仲元成都人少讀

五經不為章句處陋巷淬勵金石之志威儀容

止邦家師之以德行為郡功曹一月而去子贊

以見辱殺人太守曰賢者之子必不殺人放之

贊自以枉語家人知遣亡命太守怒讓和和對

曰贊為殺人之賊明府私和枉法君子不誘而

誅也石碣殺厚春秋譏之孔子稱父子相隱直在其中知實遣贅太守無以詰也州命從事常也不屈其志不累其身不夷不惠可否之間見其貌者肅如也觀其行者穆如也聞其言者愀如也非正不言非正不行非正不聽吾先師之所畏

子雲玄達煥乎弘聖

揚雄字子雲成都人也少

貧好道家無擔石之儲十金之費而晏如也好

學不為章句初慕司馬相如綺麗之文多作詞賦車騎將軍王音成帝叔舅也召為門下史薦待詔上甘泉羽獵賦遷侍郎給事黃門雄既升秘閣以為辭賦可尚則賈誼升堂相如入室武帝讀大人賦飄飄然有凌雲之志不足以諷諫乃輟其業以經莫大於易故則而作太玄傳莫大於論語故作法言史莫善於蒼頡故作訓纂歲諫莫美於虞箴故作州箴賦莫知於離騷故反屈原而廣之典莫正於爾雅故作方言初與

漢書卷之十一
後漢書卷之十一

劉歆王莽董賢同官並至三公雄歷三帝獨不
易官年七十一卒自劉向父子桓譚等深敬服
之其玄源淵懿後世大儒張衡崔子玉宋仲子
王子雍皆為注解吳郡陸公紀尤善於玄稱雄
聖人雄子神童烏七歲預雄玄文年九歲而卒
林生清寡莫得而名 林閭字公孺臨邛人也善
古學古者天子有輜車之使自漢興以來劉向
之徒但聞其官不詳其職惟閭與莊君平知之
曰此使考八方之風雅通九州之異同主海內

之音韻使人主居高堂知天下風俗也揚雄問
而師之因此作方言閭隱遯世莫聞也

泛鄉忠貞社稷是經進賢為國稽考典刑愛莫助
之身殞朝傾 何武字君公郫人也初以對策
甲科為郎歷揚兗州刺史司隸校尉京兆尹清
河楚沛太守廷尉御史大夫成帝初具三公拜
大司空封泛鄉侯為人忠厚公正推賢進士在
楚致兩翼在沛厚兩唐臨司隸致茂陵何並居
公位進辛慶忌皆世名賢臨州郡雖無赫赫之

名及去民思之才雖不及丞相薛宣翟方進而
正直過之哀帝即位呂朱博趙玄為公卿用事
免官諫大夫鮑子都亟言訟之丞相王嘉亦以
為慨帝復徵武為御史大夫徙前將軍時大司
馬新都侯王莽避帝外家丁傅氏遜位亦以列
侯見徵哀帝詔博舉太常莽從武求舉武以莽
奸人之雄不許哀帝崩王太皇太后莽姑也即
日引莽入收大司馬董賢印綬詔舉大司馬丞
相孔光等逼王氏皆舉莽武與左將軍公孫祿
謀曰莽五父世朝權傾人主必危劉氏乃舉祿
祿亦舉武太后不從用莽為大司馬莽諷有司
劾奏皆免武就國後莽寢盛遂為宰衡安漢公
欲圖篡漢憚武與其叔紅陽侯王立不從元始
三年因呂寬吳章事檻帝徵武武自煞衆咸寬
之莽欲厭衆心謚武曰刺侯子况嗣平帝崩莽
因居攝後僭王位

叔文播教變風為雅道洽化遷我寔西魯 張寬
字叔文成都人也蜀承秦後質文刻野太守文

翁遣寬詣博士東受七經還以教授於是蜀學
比於齊魯巴漢亦化之景帝嘉之命天下郡國
皆立文學由翁唱其教蜀為之始也寬從武帝
郊甘泉泰畤過橋見一女子裸浴川中乳長七
尺曰知我者帝後七車適得寬車對曰天有星
主祠祀不齋潔則作女令見帝感寤以為揚州
刺史復別蛇莽之妖世稱云七車張作春秋章
句十五萬言

長卿彬彬文為世短 司馬相如字長卿成都人
也遊京師善屬文著子虛賦而不自名武帝見
而善之曰吾獨不與此人同世楊得意對曰臣
邑子司馬相如所作也召見相如相如又作上
林賦帝悅以為郎又上大人賦以風諫制封禪
書為漢詞宗官至中郎將世之作詞賦者自揚
雄之徒咸則之

子淵豔麗蔚若華圃 王褒字子淵資中人也以
高才文藻侍宣帝初為王褒作樂職中和頌宣
帝時又上甘泉洞簫賦帝善之令官人誦之為

諫大夫卒

子山翰藻遺篇有厚 楊終字子山成都人也年
十三已能作雷賦通屈原七諫章後坐太守徙
邊作孤憤詩明帝時與班固賈逵並為校書郎
剛太史公書為十餘萬言作生民詩又上符瑞
詩十五章制封禪書著外傳十二卷章句十五
萬言皆傳於世者

少遷猛毅垂勲三邦

陳立字少遷臨邛人也成

帝時犂犗有亂將軍王鳳薦立為太守克平禍
亂徙守巴郡秩中二千石治有允異又徙天水
太守為天下最天子賜黃金四十斤入為左護
衛軍

世公賦政祥瑞來同

王阜字世公成都人也太

守第五倫察舉孝廉為重泉令有鸞鳥集於文
學十餘日遷益州太守神馬出滇池河甘露降
白鳥見民懷之如父母

猗歟文父敷發幼童德澹會稽道崇辟雍 張霸
字伯饒謚曰文父成都人也年數歲以知禮義

諸生孫林劉固段著等宗之移家其宇下啓母
求就師學母憐其稚對曰饒能故字伯饒也為
會稽太守撲亂興治立文學學徒以千數風教
大行道路但聞誦聲百姓歌詠之致達名士顧
奉公孫松畢海胡母官萬虞先王演李根皆至
大位在郡十年以有道徵拜議郎遷侍中遂授
霸五更尊禮於文學年老卒葬河南

少府委遲作卿作師 趙典字仲經成都人也太
尉成孫也與潁川李膺等並號八俊三為世中

自樂穠僮施貧方授國師未拜病卒

楊研神貫奧入微 何奐字叔俊邠人也 楊

由字哀侯成都人也二子學通經緯奐著漢德

春秋十五卷孫汶字景由亦深學初徵上日食
盜賊起有劾為謁者京師旱請雨即澍遷犍為

屬國著世務論三十篇卒楊由為太守廉范文
學范稱能治由言當存賊發頃之廣柔羗反寇
殺長姚超卿人冷豐齋酒候之偵客未內由為
知其多少又言多當致果其色去黃果有送甘

橘者大將軍竇憲從太守索雲氣圖由諫莫與
尋憲受誅其明如此著書十篇而卒

司農明允國憲是維 任昉字文始成都人也初

為葉令治奸賊七十餘人遷梁相尚書令清身

檢下大將軍梁冀憚之出為魏郡徙平原歲出

租稅百萬冀誅復入為尚書令司隸校尉遷大

司農卒弟愷徐州刺史亦有治名昉父循字伯

度為長沙太守得其父時為五官事在精通也

公君美秀牧後寤機 何霸字翁君司空武兄也

為郡戶曹刺史王尊將之官移諸郡不得遣迎

太守唯霸白宜往太守遣霸尊大怒霸對曰太

守遣霸非修敬也以去京師久遲知朝廷起居

耳遵遽下車持節對之因竒霸容止辟為別駕

舉秀才為屬國中郎將弟闕穎川太守兄弟五

人皆有名

伯騫推賢求善如饑 柳宗字伯騫成都人也初

結九友共學號九子及為州郡右職務在進賢

拔致求次方張叔遼王仲魯殷智孫等終至牧

守州里為諺曰得黃金 筭不如為伯騫所議
舉茂才為陽夏太守

文侯顯仰極位台衡 文侯趙戒字志伯少府典
祖也父定以遊俠稱戒順桓帝之世歷司徒太
尉登時進屢居公輔免憂患於無妄之世告歸
於蜀薨家

太尉頡頑志振顏綱 趙謙字彥信戒孫也歷位
卿尹初平元年為太尉時董卓秉政欲遷天子
長安謙與司空荀爽固諫卓不聽以為車騎將
軍奉大駕西幸封洛亭侯拜司隸校尉忤卓指
免討白波賊有功封侯進司徒免拜尚書令太
僕三年薨謚曰忠侯

司徒繼踵僨俛權橫 趙溫字子柔謙弟以侍中
與同輦西遷封江南亭侯兄亡初平四年拜司
空未暮進司徒當世榮之時車騎將軍李傕與
董承張濟等爭權數遷移天子溫以書切責於
催天子聞為寒心尋曹公入徙天子都許政出
諸侯禮待溫居公位十五年建安十三年薨

猶操道柄董李是讓 讓責也董卓李催凶擅謙
温子之初文侯與李固胡廣議立清河王蒜而
冀欲立蠡吾趙戒脅而從之使李固枉死君子
以為卓催之惡甚於梁冀謙摩卓之牙温弄催
之爪雖逼權勢以道陳訓賢其祖遠矣

侍中授命分節亦章 常洽字茂尼江原人也自

州刺史遷京兆尹侍中長水校尉以兵衛大
西幸催等作難常侍衛天子左右為催所殺
蠻夷猾擾倡亂南疆子恭要傳醜穢干攘 楊竦

字子恭成都人也永初中越嵩永昌夷反殘破
郡縣衆十萬餘刺史張喬以竦勇猛授從事任
平南中竦先以詔書告諭不服乃加誅煞虜三
萬餘人獲生口千五百人財物四千萬降夷三
十六種舉正奸濁長吏九十人黃綬六十人南
中清平會被傷卒喬舉州弔贈列畫東觀

伯春孟元匡正時君 張充字伯春 李晃字孟
元江原人也充為治中從事時刺史恃豪每見
從事布席地坐已自安高床上充入閣不肯進

幾
若希
說文微
也
石也
幾古
字今作幾

刺史寤乃更禮從事刺史辟公孫特大姓捷為

李威橋稚充曹關事時有水灾倫受刺史指以

漢中斗平不足表聞幾固爭之後刺史至與倫

不平求郡短劾倫不言水灾幾對以詔書上灾

異不得由州倫遷司空辟幾掾

楊羅為令遺愛在民 楊班字仲桓成都人也

羅衡字仲伯郫縣人也俱師徵士何初山班為

不常茂陵令治化浹洽徙西城閭中令號時名

宰衡為萬年令路不拾遺人家牛馬皆繫道邊

曰屬羅公三府爭辟拜廣漢長二縣皆為立祠

小伯温恭預圖息紛 陳湛字小伯成都人也歷

數縣令民皆懷之州辟治中從事廣漢太守遺

子詣州修歡交使君欲納湛諫不可失羔羊義

使君從之後有言州郡私交者考之無得乃明

也

孟由至孝遐葉晞風 禽堅字孟由成都人也父

信為縣史越雋為夷所得傳賣歷十一種去時

堅方妊六月生母更嫁堅壯乃知父湮沒鬻力

傭賃求碧珠以救父一至漠中三出徼外周旋
萬里經六年四月寔瘴毒狼虎乃至夷中得父
父相見悲感夷徼哀之即將父歸迎母致養州
郡嘉其孝召功曹辟從事列上東觀太守王商
追贈孝廉令李苾為立碑銘迄今祠之
仲昱勉師 仲昱成都人也少受學於嚴季后季
后為汶江尉書呼仲昱仲昱許十月往會夷反
斷道仲昱期於往經渡六千幾死數年卒得至
汶江為季之 榮俱得免難遠近歎之

叔本慕仁

任末字叔本繁人也與董奉德俱學

京師奉德病死推鹿車送其喪師亡身病齋棺
赴之道死遺令勅子載喪至師門叙平生之志
也

伯禽証將 朱普字伯禽廣都人也為郡公曹太

守與刺史王冀有隙枉見劾普詣新都獄掠笞
連月肌肉腐臭惡同死人證太守無事勅其子
曰我死載喪詣闕使天子知我心事得情普以

烈聞

文寺代君 李磬字文寺嚴道人也为長章表主
簿旄牛夷叛入攻縣表倉卒走鋒刃交至磬傾
身捍表謂虜曰乞然我活我君虜乃然之表得
免太守嘉之圖象府庭

在三義敦終始可稱 人生於三事若一君父師
也言人靡不有初鮮克有終普磬可謂能終始
也

炎光中微巨述僭亂 炎火光也漢以火德王自

高祖至平帝十二世國嗣三絕平帝早崩安漢

公王莽字巨君遂篡天子位稱新室皇帝而茂

陵公孫述字子陽為莽導江卒正遂僭號于蜀

章王刎首 章明字公孺新繁人也 王皓字子

離江原人也明為大中夫夫莽篡位歎曰不以

一身事二主遂自然皓為美陽令去莽歸蜀公

孫僭號使使聘之皓乃自刎以頭付使者述慙

怒誅其妻子

侯剛哭漢 剛字直孟新繁人也為郎見莽篡位

佯狂負木升闕號哭莽使人問之對曰漢祚無

窮吾寧死之不忍事非主也莽追然之

公卿絕脰亦蹈節貫 王嘉字公卿江原人為郎
去莽還留蜀公孫述先閉其妻子使人徵之嘉
聞王皓死歎曰吾後之哉亦自殺述慙貫其妻
子

羅生美至思濟艱難述方遂非殘彼貞幹 羅衍
字伯紀成都人也為述郎說述尚書解文卿鄭
文伯使諫述降漢為子孫福解鄭從之述怒閉
二子於薄室六年二子守志不回遂幽死卒衍

本廬徵博士

劉主割據資我英俊鴻臚淵通與道推運 何平
字彥英郫縣人也通經緯天官推步圖讖知劉
備應漢九世之運讚立先主為大鴻臚方授公
輔會卒

君肅矯矯類倬群 何祗字君肅宗族人也初
捷為楊洪為太守李嚴功曹去郡數年以為蜀
郡嚴在官祗為洪門下書佐去郡數年以為廣
漢洪猶在官是以西土咸服諸葛亮之能攬拔

秀異也祇徙捷為太守卒

輔漢朗捷服時之勤張裔字君嗣成都人也汝南許文休稱其才鍾元常輩也為輔漢將軍丞相長史丞相北征居府統事足兵

太常清密邃遠鈎深杜瓊字伯瑜成都人也師事任安粗通經緯術藝為太常沉默慎密稱諸生之淳

休休衆彥殊塗同臻金聲玉振蜀之球琳休休美也衆彥言此四十三人也易曰殊塗同歸百行齊致貴於流光顯稱揚名垂世此四十三人者雖各行不同俱以垂美如金玉之音器為世名寶

述蜀郡人士

敬司穉錫暢始玄終敬司馬氏女五更張伯饒妻也霸前妻有三男一女敬司產一男撫教五子恩愛若一霸卒葬河南敬司與諸子還蜀疾病遺令告諸子曰舜葬蒼梧二妃不從汝父在梁吾自在蜀亦各其志勿違吾勅也遂葬蜀子

光超稟母教為聘士也

叔紀婉婉十媛仰風 叔紀霸女孫也適廣漢王

尊至有賢訓事姑以理生子商海內名士廣漢

周幹古朴彭勰溪中祝龜為作頌曰少則為家

之孝女長則為家之賢婦老則為子之慈親終

溢且惠秉心塞淵宜謚曰化明惠母

公乘氏張兩髦義崇 公乘會妻廣都張氏女也

夫早亡無子姑及兄弟欲改嫁之張誓不許而

言之不止乃斷髮削髮會族子事姑終身

助陳撫孩節篤分死 助陳臨邛陳氏女捷為楊

鳳珪妻也鳳珪亡養遺生子守節兄弟必欲改

嫁乃引刀割咽宗族駭之幾死遂全其義

二常熒熒顏構再隆 元常靡常江原人也元常

廣都令常良女適廣漢便敬賓早亡元常無子

養賓族子父母欲嫁乃祝刀誓志而死 靡常

仲山女適成都殷仲孫家遭疫氣死亡惟靡常

在十八收葬諸喪養遺生子立美成家

紀常哀哀精感昭融 紀常常侍常洽女趙侯夫

人也父遇害在長安一兄皆先沒遣父門生瞿
登張順迎喪時寇賊蜂起晝夜悲哀順登得將
喪無恙還時人皆以紀常精誠所感

貢羅誓志 貢羅郫羅倩女景奇妻也早亡無子

父愍其年壯以許同郡何詩貢羅白書誓父不
還家父使詩乃白州州告縣逼遣之羅乃訴州
刺史高而許之

玆何忘生 玆何郫何氏女成都趙憲妻也憲早

亡無子父母欲改嫁何恚憤自幽乃不食旬日
而死郡縣為立石表

昭儀殉身 昭儀新繁張氏女廣漢朱叔賢妻也

賢為郡督郵建安十九年劉主圖劉璋於成都
賢坐謀外降璋以昭儀配兵將見逼昭儀自殺
三軍莫不哀歎

二姚見靈 廣柔長郫姚超二女姚妣饒未許嫁

隨父在官值九種夷反然超獲二女欲使牧羊
二女誓不辱乃以衣連腰自沉水中死見夢告
兄慰曰姊妹之喪當以某日至溉下慰寤哀愕

如夢日得喪郡縣圖象府庭

峨峨淑媛表圖銘旌 淑善媛婉婉也言此十二

女皆圖象列傳

述蜀郡列女

右蜀郡士女讚第一

凡五十五人 四十三人 十二人 女

華陽國志卷之十上

華陽國志卷之十中

晉散騎常侍導江常 璩道將

明姑孰古繁李一公闇生甫考訂

滇昆明 苗裔昌心印甫

關中 胡希舜願玄甫

雲間 朱長芳幼馨甫

楚晴川 王 衿章甫父

南州 李曰輔元卿甫仝梓

關中後學胡廷思言素甫校
成都後學賀登南之甫

廣漢士女

講學冲遠洙泗是稀胤帝紹聖庶熙疇咨 楊宣
字君綿什邡人也少受學於楚國王子張天文
圖緯於河內鄭子侯師事楊翁叔能暢鳥言長
於災異教授弟子以百數成帝徵拜諫大夫帝
無嗣宣上封事勸宜以定陶恭王子為太子帝
從之出宣為交州牧太子即位為哀帝拜河內
太守徵太倉令上宜封周公孔子後帝從之封
周公孫相如為褒魯侯孔子後孔均為褒成侯
又薦遼東王綱瑯琊徐吉太原郭越楚國龔勝

等宜讚隆時雍平帝時命持節為講學大夫
劉歆共校書居攝中卒門生河南李吉廣漢嚴
象趙翹等皆作大儒

長伯撫遐聲暢中畿析虎命邦綽有餘徽 鄭純
字長伯鄆人也為益州西部都尉處地金銀瑤
珀犀象翠羽出作此官者皆富及十世純獨清
廉毫毛不犯夷漢歌歎表聞三司及京師貴重
多薦美之明帝嘉之乃改西部為永昌郡以純
為太守在官十年卒列畫頌東觀

三老泱泱實作父師 楊統字仲通新都人也事
華里先生炎高高戒統曰漢九世王出圖書與
卿適應之建武初天下求通內識二卷者不得
永平中刺史張志舉統方正司徒魯恭辟掾與
恭共定音律上家法章句及二卷解說遷侍中
光祿大夫以年老道深養於辟雍授几杖為三
老卒內識二卷竟未詳

王仲涉道殆乎庶幾 王祐字平仲鄆人也少與

雖高士張浮齊名不應州郡之命司隸校尉陳

紀山名知人稱祐天下之高年四十二卒弟獲

志其遺言撰王子五篇東觀即李勝文章士也

作誅方之顏子列書學宮

獲一作灌

文父明洞探贖索微 楊厚字仲栢統仲子也道

業侔父三司及公車連徵辭拜侍中上言四方

反剗揚交州當兵起人民疫蝗洛陽大水宮殿

當灾三府當免近戚謀變皆劾驗大將軍梁冀

秉權自退去授門徒三千人本初元年及建和

中特徵聘不行年八十三卒天子痛惜詔謚曰

文父弟子維昭約節案綿竹寇權文儀蜀郡何
長幼正侯析升伯巴郡周舒叔布及性安董扶
等皆徵聘辟舉馳名當世

元章玄伯韶光匿耀 段翳字元章新都人也明
經術妙占未來常告大渡津口曰某日當有諸
生二人荷擔問翳舍處者幸為告之後竟如其
言又有人從冀州來學積年自以精究翳術辭
去翳為筒作書封頭與之告曰有急發之至段
萌爭津吏撾從者頭諸生發筒筒中有書曰到

段萌爭津破頭以膏裹之生乃謂然知不及翳
還更精學翳常隱匿不使人知門人皆號夫子

稚子奕奕古之畏愛 王渙字稚子鄴人也初為

河內温令路不失遺卧不閉門民歌之曰王稚
子世未有平徭後百姓喜還兗州刺史部中肅
清徵拜侍御史洛陽令聰明惠斷公平廉正抑
強扶弱化行不犯發奸擿伏思若有神京華密
靜權豪畏敬元興元年卒百姓痛哭二縣弔祭
行人商旅莫不祭之賈胡左威遭其清理制服

三年洛陽弦歌之為立祠天子悼惜每下詔書
德令必賜後嗣與卓茂等為伍

敬伯愷悌樹德播惠 王堂字敬伯鄆人也初臨
巴郡進賢達士舉孝子嚴永隱士黃錯及張璠
陳髦民為立祠徙任左扶風政教嚴明帝舅車
騎將軍闓頭大將軍竇憲中常侍江京等囑託
輒拒之白鹿見象不以為祥徙魯相又徙汝南
守舉陳蕃為功曹應嗣司隸校尉號知人之鑑
叔宰濟濟以禮進退 馮顥字叔宰鄆人也少師

事楊仲栢及蜀郡張光超後又事東平虞叔雅
初為謁者威儀濟濟為成都令遷越雋太守所
在著稱為梁冀所不善冀風州追之隱居作易
章句及刺奢說修黃老恬然終日

大匠奇暢妙監玄察盡言世規祇以隕越 翟圃
字子超雒人也少事段熲以明天官為侍中高
書常見太史令孫懿歔歔涕泣曰圖書有賊臣
孫登將以才智為黃門開路君表相應之是以
悽愴後為京兆尹光祿大夫將作大匠上言漢

四百年當有弱主閉門聽政數在三百年之間
薦故太尉龐參故司徒李邵明通三才忠正可
以輔世所言每指利疾權貴誣黜及尚書令高
堂芝交構免死著援神契經說卒家

司隸聰敏奮名後葉 郭賀字喬卿雒人也初為
太守黃幸戶曹幸有事與漢中太守李榮俱被
徵賀勸幸星行詣詔獄自歸得免榮誓留詔殺
之由是顯名太守蔡茂命為主簿茂夢坐太極
殿上得嘉禾三穗以問賀對曰明府位當至三
公旬月茂遷司徒表賀明律令稍遷侍中
僕射司隸校尉荊州刺史明帝南巡狩善其治
徵河南尹卒天子痛惜賜錢三十萬

鐔蔡翩翩交友惟賢 鐔顯字子誦鄴人也 蔡
弓字子騫雒人也俱携手共學冬則侍親春行
受業與張霸李邵張皓陳禪為友共師司徒魯
恭顯又與王稚子同見察孝於太守陳司空歷
豫州刺史光祿大夫侍中衛尉弓為廬江太守
徵拜郎而霸邵皓禪皆至公卿

兩李麗采文藻可觀 李尤字伯仁 李勝字茂
通維人也侍中賈逵薦尤有相如揚雄之才明
帝召作東觀辟雍德陽諸觀賦銘懷戎頌百二
十銘著政事論七篇帝善之拜諫大夫樂安相
後與劉珍共撰漢記孫充有文才勝為東觀郎
著賦諫論頌數十篇

憲父懸車 王稚字叔起堂幼子也屢拒孝廉公
府十五辟公車徵及授二千石徵以太常終不
詣年八十一卒門人錄其本行謚曰憲父歿未

詔書以安車聘請會已亡

徵君肥遯

馮信字季誠鄭人也郡三察孝廉州

舉茂才公府十辟公車再徵不詣公孫述時託

目眇盲傳婢姦其前陽不覺述卒以年不之出

董任循志東帛爰爰 董扶字茂安 任安字定

祖綿竹人也家居教授弟子自遠而至扶初應

賢良方正詣京師宰府十辟公車三徵再舉有

道為侍中觀漢將亂求為屬國還蜀安察孝及

茂才公府辟公車徵皆不詣卒布衣弟子杜徵

何宗杜瓊皆名士至卿佐

文表沈博提攜士彥 王商字文表廣漢人也博

學多聞州牧劉璋辟為治中試守蜀郡太守荆

州牧劉表大儒南陽宋仲子遠慕其名皆與交

好許文休稱高中夏王景興革也商勸璋攬奇

拔雋甚善巨擘薦致名士安漢趙躡及陳實盛

先塾江龔揚趙敏黎景閻中王澹江州並處皆

至州右職郡守又為嚴李立祠正諸祀與孫官

二十年而卒

超類拔萃寔惟世信 劉寵字世信綿竹人也出

白孤微以明公羊春秋上計闕下見除成都令

政教明肅時諸縣多難治乃換寵為郫令又換

郫安漢皆垂績還在成都遷梓柯太守初乘一

馬之官布衣蔬食儉以為教居郡九年乘之而

還吏人為之立銘王商陳實當世貴士皆與為

友

即英元烈仰訢鼎臣 段恭字節英雄人也少周

流七十餘郡求師授學經三十年兄事馮翊駱

異孫泰山彦之章渤海紀叔陽遂明大文二卷
東平虞叔雅學絕高當世遂遊於蜀恭以朋友
禮待之後為上計掾會有司劾太尉龐參兼舉
茂才孝廉參性忠正亮直為貴戚所擯以志發
病遠近稱冤恭不能耐其枉亢疏表參忠直不
當以讒佞傷毀忠正帝悟即日召西曹掾問疾
尋羊酒慰勞參忠

士遊孝淳感物悟神

姜詩字士遊維人也事母

至孝母欲江水及鯉魚膾又不能獨食須隣母

共之詩嘗供備子汲江溺死秘言遺學不似

知於是有湧泉出於舍側有江水之香朝朝出

鯉魚二頭供二母之膳其泉灌田六頃施及比

隣公孫述平後東精為賊掠害不敢入詩里時

大荒餓精致米肉與詩詩埋之永平三年察孝

廉明帝詔曰大孝入朝孝廉一切皆平之除江

陽符長所居鄉皆為之立祠

少林陰德陽報是甄 王忱字少林新都人也遊

學京師見客舍有一書生因病忱隱視奄忽便

絕有金十斤恻以一斤買棺木九斤還要下葬埋之後為大度亭長大馬一匹來入亭中又有繡被一領飛墮其前人莫識者郡縣以異恻後乘馬到雒縣馬牽恻入宅舍主人問恻所由得馬恻具說其狀并及繡被主人張然曰卿何陰德而致此恻說昔埋書生事主人驚曰是我子也姓金名彥卿乃葬之不報天彰其德辟舉茂才除鄱令宿釐亭中數有人為鬼語恻主樓夜半有女子稱冤曰妾涪令妻也當之官宿此枉為亭長所殺大小二十口埋在樓下奪取財物恻曰汝何故以惜殺人女子曰妾不得白日惟依夜想人眠不肯應恻故殺之初來時言無衣恻以衣衣之言訖投衣而去旦召遊徼詰問具服即收同謀十餘人然之送涪令喪還郡里當世稱之

仲魚謙冲 羊恭字仲魚郵人也父為交州刺史卒官恭迎喪不敢取官舍一物郡三察孝廉公府辟州別駕皆不應太守尹奉棄刑名行禮樂

請為功曹刺史必欲借暮自佐不得已為別駕
後為太守孫寶蔡茂祿諷功曹當欲渡津津吏
滯傳車待之三日將宿中亭中有縣吏引車避
之為野王令

雲卿安貧 朱倉字雲卿什邡人也受學於蜀郡
張寧食豆飲水以諷誦同業憐其貧資給米肉
終不受著河洛解家貧怕以步行為郡功曹每
察孝廉羞碌碌詣公府試不就州辟治中從事
以諷詠自終

伯式玄照 折象字伯式雒人也其先張江為武
威太守封南陽折侯因氏焉父國為鬱林太守
家貲二億故奴姬八百人盡散以施宗族卹贍
親舊葬死弔喪事東平虞叔雅以道教授門人
朋友自遠而至時人為諺曰折氏客誰朱雲卿
改節英中有佃子趙冲平但說天文論五經
孟宗當仁味道好施清風邁倫 讚仲魚已下也
杜貞字孟宗綿竹人誦書百萬言兄事翟醜醜
免後尚書令與司隸校尉枉劾之復徵詣獄貞

上章救之受掠笞六百獄中明黜無事京師杜之以漢道微散財施宗族不應公州辟命及辭長吏候迎每交於門乃斷髮以自絕

漢儒請雨精感慶雲

諒輔字漢儒新都人為郡

五官掾時天大旱請雨不降輔出禱祈乃積薪祝神曰不雨則欲自焚為貪叻吏謝罪百姓言終暴雨

揆義烈

韓揆字伯彥綿竹人也為令錡裒主

簿值黃巾賊入界扶裒走入草中裒遺求隱翳處未還裒為賊所得見宰揆殞殮葬埋訖詣從事賈龍求兵討賊賊破曰本報令君而苟自活非忠乃自殺

喬雲勇震

左喬雲綿竹人也少為左通所養為

子通坐任徒徒逃吏欲破通臆通無壯子故為吏所侵喬雲時年十三喟然憤怒以鏡刀殺吏解通將走令出追初聞以為壯士及知小兒為之流涕

楊寬證將烈播友人 寬字叔仲新都人也父斌

證令萬世太守被諷以忠義壯聞寬為郡吏鄉人馬閔章言太守五方寬與兄偕詣獄證之得理後方當遷南郡閔復章之寬乃發閔臨私事閔伏罪友人汝錕為張明所然寬怒縛明送錕家使自謝之也

審叔執仇 審叔字茂恭廣漢人與友人張昌共受業大學昌為河南大豪呂條所然叔然條自拘河南獄順帝義而赦之

張復師讎 張鉗字子安廣漢人也師事讎為謝裒裒死負土成墳三年裒子為人所然鉗復其仇自拘武陽獄會赦免當世義之

賈為士死分侔虞朱 賈裒字元集什邡人也雒孟伯元為父復讎聞裒名往投之雒縣追伯元蹤相歎曰士以義遇我豈可倍哉然雒縣必移什邡負我君乃自然李勝言之以方虞卿魯之朱家

郭玉通直蓋亦所脩 郭玉字通直新都人也明方術伎妙用針作經方頗說官至太醫丞校尉

爰迄劉氏司農含章爽朗翠粲觀國之光 秦宓
字子勅綿竹人也初隱遁不應州郡之命丞日
亮領益牧以選為別駕中郎將吳使張温將反
命亮率百官餞之温與宓語各問若響應聲辭
義雅美温大敬服以為蜀之有宓猶魯仲尼也
遷長水校尉司農宓甚有通理弟子譙周具傳
其業

季玉四子並作琳瑯 李朝字永南弟邵字備南
郫人也王士字義疆從弟甫字國山文表諸弟

也先主領牧朝為別駕郡下上先主為漢中王
其文朝所造也後丞相亮府辟西曹掾亦有文
才兄弟三人號三龍士歷宓弟健為益州太守
甫善言議 關人流美稱自綿竹令為州右職
優遊容與特進太常 鐔承字公文郫人也歷郡
守州右職為少府太常時費姜秉政孟光來敏
皆棲遲承以和獨立特進之也

從事烈至諫君刎首 王累新都人也州牧璋從
別駕張松計遣法正迎先主主簿黃權諫不納

累為從事以不入乃自列州門以諫明不可
鄭度進規忠謀莫受雖云天時抑由人咎 度綿
竹人也先主自葭萌南攻說牧璋曰左將軍懸
軍襲我野穀是資急駟巴西梓潼民內涪水以
南一切燒除野穀固壘待之彼請戰不許久無
所資不過百日必當回先主聞而惡之璋不納
言雖在天亦由璋之愚

末年負才自喪世主 彭素字永年廣漢人有俊
才劉璋時坐事為徒及先主入自託龐統為州

右職失主意左遷江陽太守素望諸葛亮以為
心大志廣難可保勸先主因事誅之

漢南哽哽天奪其守 李邈字漢南邵兄也牧璋

時為牛鞞長先主領牧為從事正旦命行酒得
進見讓先主曰振威以將軍宗室肺腑委以討
賊元功未効先寇而滅邈以將軍之取鄙州甚
為不宜也先主曰知其不宜何以不助之邈曰
匪不敢也力不足耳有司將殺之諸葛亮為請
得免久之為犍為太守丞相參軍安漢將軍建

興六年亮西征馬謖在前亮將殺之邈諫以秦
赦孟明用霸西戎楚誅子玉二世不競失亮意
還蜀十三年亮卒後主素服發哀三日邈上疏
曰呂祿霍禹未必懷反叛之心莽宣不好為殺
臣之君直以臣懼其偏主畏其威故姦萌生亮
身杖強兵狼顧虎臣五大不在邊臣常危之今
亮殞歿蓋宗族得全西戎靜息大小為慶後主
怒下獄誅之

詵詵彦造或哲或友昭德音芳垂名厥後

總讚此四十六人也

述廣漢士女

任母治內子成名賢任安母姚氏也雍穆閨門

早寡立義資安遂事大儒安教授每為賑卹其
弟子以慰勉其志於是安之門生益盈門

龐行養姑婦師之先龐行妻詩妻也事姑晝夜
紡績以給供養子汲江澗水死秘言遺誦學常
作冬夏夜投水中託言寄與子詩呼妻使為姑
春應命逢見遣不敢遠去遊於外供給因隣母

致姑勅還

依依義舊抗疏邦庭誠感世主徙女輟刑 義雁
狄道長姜穆女綿竹司馬雅妻也既許婚父坐
事徙朔方雅就婚死顧人送其喪尋父母死朔
方義舊獨與弟孤居十年士大夫求終不肯乃
上疏自訟求還鄉里天子愍悼下朔方使送遂
下詔書定律令女已許嫁不得從父母徙

紀配斷指以章厥貞

紀配廣漢殷氏女廖伯妻

也年十六適伯伯早亡已自有美色慮人求已
作詩三章自誓心而求者猶衆父母將許乃斷
指明情養子猛終義太守薛鴻圖象府庭

彭王進娥殘體令誠

彭非廣漢王輔妻也王和

新都人便敬妻也李進娥鄭人馬季宰妻也輔
早亡叔父欲改嫁非乃詣太守五方截髮自誓
敬亦早亡和養孤守義蜀郡何玉因媒介求之
兄曉喻以公族可憑和志割其一耳季宰亦早
亡父母欲改嫁進娥亦剪髮自誓各養子終義
正流自沉水潔冰清 正流廣漢李元女楊文妻

也適文有一男一女而文沒以織履為業父欲
改嫁乃自沉水中宗族拯之幾死得免太守五
方為之圖象

相烏袁福義不存生 相烏德陽人袁稚妻也十
五適稚二十稚亡無子父母欲改嫁之便自殺
袁福亦德陽人王上妻也有二子上以喪親過
哀死福哀感終身父母欲改嫁乃自殺

汝氏世冑由婦謙柔 汝敦妻其敦兄弟共居有
父母時財婢心欲得妻勸送二兄敦盡讓田宅
奴婢與兄自出居後敦耕得金一器妻復勸送
二兄夫妻共往嫂性怯善謂欲借貸甚不悅及
見金歸即兄感悟即出妻讓財還弟弟不受相
讓積年後並孝廉世為冠族

思嬌烈媛美稱惟休
摠讚十一人也

述廣漢列女

右廣漢郡士女讚第三

凡五十七人

四十六人
十一人女

健為士女

王延河平慕禹之功

王延世字長叔資中人也

建始五年河決東郡汜濫兗豫四郡三十二縣
沒官民屋舍四萬兩御史大夫尹忠以不憂職
致河決自殺漢史案圖緯當有能循禹之功在
鍵犗之資陽求之正得延世徵拜河堤謁者治
河以竹落長四丈大九圍夾小松栽小石治之
三十六日隄防成帝嘉之改年曰河平封延世
關內侯拜光祿大夫乃賜金百斤

文伯冒禮繼武孫通 董鈞字文伯資中人也少
受業於鴻臚王臨永平初議天地宗廟郊祀儀
禮鈞與太常定其制又定諸侯王喪禮歷城門
校尉五官中郎將以儒學貴稱繼叔孫通

張公執憲克智克聰極位青紫寔作司空 張皓

字叔明武陽人也以文聰明辟大將軍掾遷尚
書僕射彭城相進隱士閻丘遷等徵拜廷尉延
光三年安帝將廢太子為濟陰王皓與太常相
馬太僕朱歷爭之安帝不許及安帝崩濟陰得
立為順帝以皓為司空久之免後徵為廷尉清
河趙騰等坐謗訕當誅所引八十餘人皓以聖
賢明義爭之咸稱平當

子鸞司京桴鼓不鳴 趙旂字子鸞資中人也初
臨其陵弘農郡甚善治民徵尚書遷司隸校尉
時梁冀子弟放恣旂以法繩之不敢為非京師
肅清桴鼓不鳴

孟文翹翹平顯有成 楊渙字孟文武陽人也以
清秀博雅歷臺郎相稍遷尚書中郎司隸校尉

甚有嘉聲美稱

伯邳正直耀祖揚聲 楊準字伯邳漢安縣人也

初為郡守太尉李固薦準累世忠直拜尚書太
傅陳蕃表為河東人為尚書令奏書治南陽太
守曹麻潁川太守曹騰濟南太守孫訓等子弟
依託形勢淫縱徵廷尉治罪訓梁冀婦家子也
於是憚之又薦朱禹盛精滕延為尚書陸稠為
郡守皆名士也桓帝即位拜河南尹遷司隸校
尉冀叔父梁忠為執金吾不朝正初劾奏之朝

士服其公亮徒將作大匠

翁君將命迺播其名 楊莽字翁君武陽人為功

曹刺史王尊當之州移書諸郡不得遣迎惟捷
為遣莽何霸巴郡遣嚴尊尊大怒莽前對曰使
君不使奉迎謙也太守承迎敬也謙敬上下之
節不可廢也尊乃欣請辟別駕舉茂才官至揚
州刺史

奉君避世 費貽字奉君南安人也公孫述時漆
身為厲佯狂避世述破為合浦守蜀中歌之曰

節義至仁費奉君不仕亂世不避惡君脩身於
蜀紀名亦是後世為大族

任公開明 任永字君業楚道人也長歷數王莽
時託盲公孫述時累徵不詣子溺井中死見
而不言妻淫於前面而不恠述平乃曰世適平
目即清妻自煞光武徵之以年老不詣卒

叔和順終 杜撫字叔和資中人也少師事薛漢
治五經教授門生千人太守王卿召為功曹司
諱不及聞公免必往承問東平憲王為驃騎

將軍辟西曹掾後罷為王師在驃騎府者遣之
數年乃去歿應三公徵撫侍送故公作詩通議
說弟子南陽馮良亦以道學徵聘

君橋密精 趙松字君橋武陽人為童子歿咨問
費貽及知其避世家與周旋終不露之也述平
舉茂才為上黨太守

英英四子利於居貞 讚費貽以下

皇漢弛綱官人失紀文紀寒諤表明臧否 張綱
字文紀司空皓子也在漢朝公平廉正權宦側

目憚之漢安元年以光祿大夫持節與侍中杜
喬循行州郡考察風俗出宮垣埋車先奏太尉
栢烏司徒劉壽尸祿素食不堪其職出城又奏
司隸校尉趙峻河南尹梁不疑汝南太守梁乾
等贓穢濁亂檻車送廷尉治罪天子以乾梁冀
叔父貶秩免峻等又奏魯相寇儀儀自煞威風
大行郡縣莫不肅懼還冀恨之出為廣陵太守
承叛乳後懷集撫卹甚有治化在官十年卒子
續為尚書續弟方為豫州牧子孫歿世至大官

虜狂僭亂離斯圯孝仲繫馬社稷是死
字孝仲武陽人也公孫僭號遵為犍為郡功曹
領軍拒戰於六水門衆少不敵乃埋車輪絆馬
必死為述所煞光武嘉之追贈復漢將軍郡縣
為立祠

建侯吊梁劾志知己 趙敦字建侯武陽人也初
為新都令德禮宣流三司及大將軍梁冀累辟
終不詣冀辟書不絕後冀自煞使者監守不使
人弔問敦獨往弔祭訖自拘有司天子赦之

叔通敦孝石生江汜 隗相字叔通棘道人也養
母至孝母食欲江中正江水相冬夏汲之一朝
有橫石生正流中哀帝世察孝廉平帝世為郎
吳生致養亦感靈祉 吳順字叔和棘道人也事
母至孝赤烏巢其門甘露降其戶察孝廉永昌
太守

劉后初載實多良才季休忠亮經事能治 楊洪
字季休武陽人也先主領牧為部屬從事及征
漢中丞相亮表為蜀郡太守先主疾病永安召
亮東行漢嘉太守黃元反後主從其計克示封
關內侯後為中郎將越騎尉清公直亮甚信任
之

德山耽學道以光時 伍梁字德山南安人也儒
學雅尚州選迎牧諸葛為功曹遷五官中郎將
烈武作合度曠塗夷惜哉公舉帥直凌遲 費詩
字公舉南安人也先主領牧為前部司馬群臣
勸先主稱尊號詩上疏曰殿下以曹操父子逼
主篡盜故乃羈旅萬里糾合士眾將以討賊今

大敵未剋而先自立恐人心疑惑昔高祖獲子嬰猶尚推讓况未出門便欲自立耶以是左遷部永昌從事建興三年從丞相亮南征魏將李鴻來降說魏新城太守孟達欲背魏向蜀亮方北面欲招達為外援欲與書詩進曰孟達小子昔事振威不忠後事先帝背叛反覆之人何足與書也亮嘿然詩終劉氏之世官位不盡其才君子以昭烈之弘曠武侯之明達詩吐直言猶尚凌遲况庸主昏世艸意直言而望肆効者哉文然簡略不從詭隨 楊義字文然武陽人也輔漢將軍張裔薦為丞相亮主簿大司馬蔣琬辟東曹掾歷二郡太守為射聲校尉性簡略未曾以甘言加人酒後言笑多悞詞失大將軍姜維意為維所廢延熙十八年作李漢輔臣讚在蜀書

車騎怏怏與國安危 張翼字伯恭文紀孫也

文武才幹歷征西鎮南大將軍封亭侯延熙十八年與大將軍姜維西征大破魏雍州刺史王

經於狄道經衆死洮水者數萬人維欲進翼諫
不可必進無功時維屢出隴西翼常庭爭以國
小不宜黷武必為勉盡足不聽不得已每怏怏
從行景耀元年遷左車騎將軍領冀州刺史蜀
平後死

猗猗衆偉芳烈名垂方德繹勳健之瓊瑰

述健為人士

進楊榜榜先姑是憲 進武陽楊氏女大匠廣漢

上堂長子博妻也博後母文有母儀之德進楊
則其教為行閨門雍榜牂牯太守李禘家亦假
係每不和歎恨徒富貴學門不及博家也

陽姬請父厥族蒙援免諧內愛訓及秀彥 姬武

陽人也生自寒微父 坐事閉獄楊渙始為尚
書即告歸郡縣敬重之姬為處女乃邀道扣渙
馬訟父罪言辭慷慨涕泣渙懇告郡縣為出其
父因奇其才為子文方聘之結婚大族二弟得
仕宦遂世為宦門後文方為漢中太守以趙宣
為賢將察孝廉亟封未定病卒姬秘不葬先遣

孝廉上道乃喪喪宜得進用姬之力也後文方
兄子伯邳為司諫校尉時姬長子頴伯冀州刺
史仲子頰二千石伯邳以稟叔母教迎在官舍
每教邳政治伯邳欲舉茂才選有二人伯邳欲
用老著嫌以其老欲舉五方而其年幼以咨叔
母勸舉方後趙宣為掾為五方為廣漢姬尚在
故吏之敬四時承問不絕

周度割體貞節是全 周度魏道人也相登妻十
九登亡中年令吳厚因人求之斷髮以誓志後
人猶欲求之乃割其鼻養子早亡其妻在亦年
十九遂俱守義世感歎婦姑之貞專其節操也
敬姬沉淵誠烈邈然 曹敬姬南安人也周紀之

妻十七出適十九紀亡遺生子元餘服闋父母
以許孫賓詒母病迎還知之自投水人赴之氣
已絕一日一夜乃蘇息送依紀弟居訓導元餘
號為女學士年九十卒

貞玦玉操彌久不刊 貞玦字瓊玉牛鞞程女氏
張惟妻也十九適惟未暮惟亡無子養兄悅子

供養舅姑夙夜不怠資中王冲欲娶玦玦叔父
肱谷以女志不可奪冲為太守李嚴督郵嚴記
縣遣孝義掾奉羔鴈宣太守命聘之玦乃自投
水拯援不死後太守蘇高為立表太守蜀郡
關遣仁恕掾論曰貞玦太守章陵劉威又為作
頌故稱述也

韓姜自財后旌其寬

韓姜魏道人尹仲讓妻也

二十讓亡服除資中董臺因從事王為表弟求
姜不許臺門生左習王蘇以為姜可奪教姜家

言母病迎還

婚姜聞故自殺太守

巴郡龔揚哀之

以報姜死

謝姬引决同穴齊寧

南安人武陽儀成妻也

成死以已年壯無子將葬乃預作殯殮具毒藥
湏夫棺入墓拊棺吞藥而死遂同葬縣以表郡
郡言州州上尚書天子咨嗟下書每大赦賜家
帛四疋蜀穀二石

媛姜正婦勉夫濟子授命囹圄義踰國士
趙媛姜資中盛道妻也建安五年道坐過夫婦閉獄

子翔方年五歲姜謂道曰官有常刑君不得已
矣妾在後何益君門戶君可同翔亡命妾代君
死可得繼君宗廟道依違數日姜苦言勸之遂
解脫給衣糧使去代為應對度走遠乃告吏殺
之後遇赦父子得還道雖仕官當世痛感終不
更娶翔亦不仕

黃帛求喪沉身中流靈精相感攜夫共浮 黃帛
楚道人張貞妻也貞受易於韓子方其家二十
里舡覆死貞弟求喪經月不獲乃自投沒處

躬訪不得遂自投水中大小驚視積十四日持
夫手浮出時人為語曰符有先絡楚道帛求其
夫天下無有其偶縣長韓子舟嘉之召帛子幸
之為縣股肱

烈哉諸媛即稱義遵叙之讚此九女也

述贊為列女

右贊為七女讚第四

凡三十人

二十一人士
九人女

華陽國志卷之十中

華陽國志卷之十下

晉散騎常侍導江常璩道將撰

明始孰古繁李一公闇生甫考訂

滇昆明苗裔昌心印甫

關中胡希舜順玄甫

雲間朱長芳幼馨甫

楚晴川王祚章甫父

南州李曰輔元卿甫全梓

關中後學胡廷器含素甫校
成都後學賀登瀛甫之甫校

漢中士女

神中五微不
詳其示

鄭真歎時確乎其清 鄭子真懷中人也玄靜守
道履至德之行乃其人也教曰忠孝愛敬天下
之至行也神中五微帝王之要道也成帝元舅
大將軍王鳳備禮聘之不應家谷口世號谷口
子真亡漢中興立祠

衛梁泥盤玄湛淵渟 衛衡字伯梁南鄭人也少
師事隱士同郡樊季齊以高行聞郡九察孝廉
公府州十辟公車三徵不應董扶任安從洛還
過見之曰京師天下之市朝也足下猶之人耳
幸其在遠以虛名屢動徵書若至中國則價盡
矣衡笑曰時有險易道有汗隆若樊季齊楊仲
柏雖應徵聘何益於時乎苟無所則尼軻恹恹
是以君平子真不屈其志豈予之徒也哉吾何
虛假之有安扶服之敬其言也

鄧公方到忠枉原情 鄧公成固人也景帝時御
史大夫晁錯患諸侯強大建議減削會吳楚七
國謀反假言誅錯故吳相袁盎譖帝殺之拜盎
太常使款七國七國遂叛鄧公為謁者入言軍

事問曰七國聞是錯死罷兵不對曰吳王即山
鑄錢煮海為鹽謀反積數十年錯患之故欲削
弱為萬世策諸侯憂之計畫始行身死東市諸
侯莫憚內杜忠臣之口外為諸侯報怨臣竊為
陛下不敢取也帝歎息曰吾亦恨之武帝初為
九卿

博望致遠西南來庭 張騫成固人也為人強大
有謀能涉遠為武帝開西域五十三國窮河源
南至絕遠之國拜校尉從討匈奴有功遷衛尉
博望侯於是廣漢緣邊之地通西南之塞豐饒
遠之貨令帝無求不得無思不服至今方外開
通騫之功也

子游師生讒巧所傾 張猛字子游騫孫也師事
光祿勳周堪以光祿大夫給事中侍元帝帝當
廟祭濟渭欲御樓船御史大夫薛廣德當車免
冠乞頸血汚車輪陛下不得廟祭矣帝以不悅
猛進曰主聖則臣直今乘船危就橋安聖主不
乘危故大夫言之帝曰曉人不當如是也後與

周堪俱以忠正為幸臣和恭石顯所譖毀乍出乍徵堪平和猛卒自殺

王孫養性矯彘厲生 楊王孫成固人也治黃老家累千金厚自奉養臨終告其子曰我死輟葬以復吾真但為布囊盛尸入地七大既下從足脫之以身親土其子不忍見王孫友人祁侯諫之王孫曰學葬無益死者也夫殫財送死今日入明日發此真無異暴骸中原裹以幣帛隔以棺槨含以珠玉後腐朽乃得歸土不可故吾欲

早就真宅祁侯無以易卒輟葬如其言

司徒監使術暢思精屢登上司七政是經 李邵

字孟節南鄭人也少明經術為郡候吏和帝遣使者二人微行至蜀宿邵侯舍邵為出酒夜飲露坐邵問曰君來時寧知二使何日發來耶二人恠問之邵指星言曰有二使星入益部後一人為漢中太守命為功曹察孝遂馳名為尚書郎徙左丞稍遷至尚書僕射尚書令拜司空又進司徒清公直亮當世稱名順帝世薨

炎精不頽朱明不揚太尉謩謬任國牧荒濯日暘
谷將升扶桑惡直醜正漢道遂喪 李固字子堅
郃子也陽嘉三年以對策忠元拜議郎大將軍
梁高后父也表為從事中郎授荊州刺史值州
部有亂至州先友其賢者南陽鄭叔躬宋孝節
零陵支宣雅表薦長江桂陽太守趙歷卒已奏
免江夏南陽太守孔疇高賜為昆等州土自然
安靜徙泰山太守克寧盜賊入為將作大匠多
致海內名士南陽樊英江夏黃瓊廣漢楊厚會

為昆等州

習賀純光祿周舉侍中杜喬陳留楊倫河南尹
存東平王憚陳國何臨清河房植等皆蒙徵聘
轉大司農順帝崩太后臨朝拜太尉與後弟大
將軍梁冀太傅趙峻並錄尚書冲帝崩時徐揚
有盜賊太后欲不葬喪須召諸王至固爭不可
言國家多難宜立長君太后欲專權乃立樂安
王為質帝質帝崩太后復與梁冀謀所立固與
司徒南郡胡廣司空蜀郡趙戒書與冀引周勃
霍光立文宣以安漢之策問鄧廢立之禍言國

統三絕期運厄會興崩之漸在斯一舉宜求賢
王親近不可寢嘿也冀得書召公卿列侯議所
立三公及鴻臚杜喬僉舉清河王蒜冀然之奏
御太后中常侍曹騰私恨蒜說冀明日更議廣
戒從冀固與喬必爭蒜宜立中興才也且年長
識義必有厚將軍冀不聽策免固喬歲餘取下
獄以無事出之京師市邑皆稱千萬歲冀惡其
為人所善更奏繫之固書與二公曰吾欲扶持
漢室使之比隆文宣何圖梁將軍迷謬諸子曲

從以吉物為凶成事為敗漢家衰微從是始矣
將軍亦有不利吾雖死上不慙於天下不愧於
人求義得義死復何恨遂自然二公得書歎息
流涕士民咸哀哭之桓帝無道冀尋受誅漢家
遂微政在閭官無不思固也

元修敦重威惠寔亮 張亮則字元修南鄭人也
為犴狗太守威著南土永昌越雋夷謀欲反畏
則換臨其郡相諫而止號曰臥虎以成狄勲遷
護羌校尉徵拜扶風又換臨桂陽皆平盜賊巴

郡板楯反拜隆集校尉鎮漢中徙梁州刺史久
為魏郡太守所在稱治靈帝崩後大將軍袁紹
表為長史不就丞相曹公拜度遼將軍

子雅溫恭見察文方 趙宣字子雅南鄭人也出
自寒微以溫良博雅太守捷為楊文方深器異
之遂察孝廉官至捷為太守

二珪琬琰三辰懸望 趙瑤字元珪琰字稚珪凡
七兄弟宣子也皆以令德著聞瑤少有公望瑤
始為緱氏表趙二公相與書曰趙瑤在緱氏猛

虎歸迹百里均耳叔平河難遷扶風太守徙蜀
郡司空張溫謂之曰昔第五伯魚徙蜀郡為司
空掃五第以待足下矣誰曰諾尋換廣漢卒琰
始為青州刺史部下清蕭徙梁相徵拜尚書不
就卒

仲卿報友行義以理 陳綱字仲卿成固人也少
與同郡張宗受學南陽以母喪歸宗為安衆劉
元所煞綱免喪往復之值元醉卧還須醒乃煞
之自拘有司會赦免三府並辟舉茂才拜知農

太守初至有兄弟自相責引退是後無訟者在
官九年卒天子痛惜賜家錢四十萬

伯度玄鏡榮辱屑已 李法字伯度南鄭人也相

帝時為侍中光祿大夫毀元表宦官恭盛椒房

忝重史官記事無實錄之才虐相褒述必為後

笑帝怒免為庶人恬然以咎失為己責久之徵

拜汝南太守遷司隸校尉湛然無自得之容

德公在林懸象垂晷既冲雲清荀張儀准 李燮

字德公太尉固少子也父死時一兄 德公亦死

燮為姊所遣隨父門生王成亡命徐州傭酒家

酒家知非常人以女妻之延熹二年梁冀誅後

月經陽道暈五車史官上書昔有大星升漢而

西捲舌揚芒迫月熒惑犯帝坐則有大臣枉誅

星在西方太尉固應之今暈如之宜有赦命錄

其遺嗣以除此異於是下赦燮得返舊四府並

辟公車徵議即與趙元珪潁川賈偉節荀慈明

張伯慎為友伯慎為潁川太守與慈明交相言

論偉節與烏京師以為減否伯慎問趙元珪曰

德公所言何元珪曰無言也伯慎追嘆曰當如
德公兒輩徒靡沸耳慈明亦寤而心變拜東平
相國王為黃巾所沒得出天子復封之燮以為
不可果敗遷京兆尹時人為之語曰李德公父
不欲立帝子不欲立王

伯臺處諫師言元盡末命防萌妙觀玄機 陳雅
字伯臺成固人也靈帝時為諫大夫闕官用事
上疏曰昔孝和帝與中常侍鄭眾謀誅大將軍
竇黨由是宦官秉權安帝幼冲和熹太后兄大

將軍鄧騭輔政太后適崩中常侍江京等殺騭
安帝登遐黃門孫呈又殺車騎將軍關顯孝桓
帝又與中常侍單超等共誅大將軍梁冀陛下
即祚太傅陳蕃大將軍竇武尚書令尹勲等欲
誅宦官絕其奸擅盡忠王室建萬世榮機事不
密為中常侍朱瑀等所殺此即陛下所見今宦
官強盛威傾人主天下鉗口莫敢言者海內怨
望妖孽並作四方兵起萬姓辛苦陛下尚可以
安柔後嗣何帝不省納出為巴郡太守年七十

五卒臨終戒其子曰期運推之天下將大亂雄
夫力爭無以貨財為意吾亡依山薄葬亡歲餘
靈帝崩大將軍何進獲為黃門所殺海內果亂
終成三國也

孟度邵允 關憲字孟度成固人也名知人為綿
竹令以禮讓為化民莫敢犯男子杜成夜行得
遺物一囊中有錦二十五疋求其主還之曰縣
有明君何敢負其他童謠歌曰關尹賦政既明
且昶去苛去辟動以禮讓遺蜀郡吏民泣涕送

之以千數

季子英禘 李歷字季子太尉固從弟也少修文
學性行清白與鄭康成陳元方齊名弱冠拜新
城令朝請都督

計君經等 祝苞字元道南鄭人也光和二年上
計史時已郡板楯反軍旅數起征伐頻天子患
之訪問益州計考以方略苞對言板楯忠勇立
功先漢為帝義民羗入漢中輒蒙其力東征南
戰世有功劳由不料卹以致反亂非有僭盜能

相群殺兵臨之未必卒得不如但選明能太守
恩信懷服自然安定矣天子從之卒如其言後
在道卒

元靈斐斐 祝龜字元靈南鄭人也年十五遠學
汝潁及太學通博蕩達能屬文太守張府君奇
之曰吾見海內士多矣無如祝龜者也州牧劉
焉辟之不得已行授葭萌長撰漢中耆舊傳以
著述終

禮高殉名

段崇字禮高南鄭人也太守河間鄭

厓命為主簿永初四年涼州羗反溢入漢中從
厓屯褒中虜東攻厓欲戰崇諫不可頌固壘待
之厓不聽出戰敗績從典門下吏王宗原展及
子勃兄子伯生推鋒死戰衆寡不敵崇等皆死
羗遂得厓殺之

伯義死節

程信字伯義南鄭人也時為功曹守

居馳來赴難殞歿厓喪送還鄉里訖乃結故吏
冠蓋子第二十五人言共報羗各募敢死士以
待時太守鄧成命信為五官元初二年虜復來

信等將其同志率先奮討大破之信被八創死
天子咨嗟元初五年下詔書賜信崇家穀數千

斛

四行齊致在茲六子 讚閻憲已下也又有王宗
原展及嚴孳李容姜濟陳已曹廉勾矩劉旌九
人皆以令義為鄭厘所命王宗原展與厘同死
孳容等七人與信共奔命詔書既賜崇信家又
賜九子家穀各五百斛給死事復

元侯趙陳蓋亦烈士 燕邠字元侯趙嵩字伯高

南鄭人也陳調字元化仲卿孫也邠為刺大欽

儉從事使在葭萌與從事董馥張胤同行儉為

黃巾賊王饒趙播等所殺邠聞故哀慟說馥胤

赴難二子不可邠難曰使君已死用生何為獨

死之牧劉焉嘉之為圖象學宮諡馥等以同事太

守蘇固固為米賊張脩所疾殺嵩痛之杖劍直

入脩營殺十餘人幾獲脩死陳調少尚遊俠聞

固死聚賓客百餘人攻脩大破之進攻脩營乃

與戰以傷死

渙渙龍宗振振麟趾文炳彬蔚漢之表軌揔讚二
十五人也

述漢中人士

其陳術字申伯作者舊傳者也失其行事歷新
城魏興上庸二郡太守及錫光等不列也

穆姜温仁化繼為親 穆姜安衆令程祗妻司隸
校尉李法姊也祗前妻有四子興敦觀豫穆姜
生二子淮基祗亡興等憎惡姜姜視之愈厚其
資給六子以長幼為差衣服飲食凡百如之久

興等感寤自知失子道詣南鄭獄受不愛親罪
太守嘉之復除門戶常以二月八月社致肉三
十斤酒米各二斛六斛六子相化皆作令士五
人州郡察舉基字稚業特雋逸為南郡太守

秦瑛嚴明世範厥訓 秦瑛南鄭揚拒妻大鴻臚
劉巨公女也有四男二女拒亡教訓六子動有
法矩長子元珍出行醉母十日不見之曰我在
汝尚如此我亡何以帥群弟子元珍叩頭謝過
次子仲珍白母請客既至無賢者母怒責之仲

珍乃華行交友賢人兄弟為名士泰瑛之教流於三世四子才官隆於先人故時人為語曰三苗止四珍復起

杜氏之教父母是遵 杜泰姬南鄭人趙宣妻也生七男七女若元珪稚珪有望五人皆令德其教男也曰中人情性可上下也在其檢耳若放而不檢則入惡也昔西門豹佩帶以自寬宥子賤帶弦以自急故能改身之恒為天下名士戒諸女及婦曰吾之妾身在乎正順及其生也思

存於撫愛其長幼之禮以先後之體貌以左右之恭敬以監之懃恪以勸之孝順以忠信以發之是以皆成而無不善汝曹庶幾勿忘吾法也後七子皆辟命察舉牧州守郡而漢中太守南鄭令多與七子同歲季考上計無不修也泰姬執子孫禮

禮珪肅穆言存典韻 禮珪成固陳省妻也楊元珍之女生二男長娶張度遼女惠英少娶荀氏皆貴家豪富從婢七八資財自富禮珪勅二婦

曰吾先姑母師也常言聖賢必勞民者使之思不善不勞則逸逸則不才吾家不為貧也所以粗食急務者使知苦難備獨居時二婦再拜奉教從孫奉上微慢珪抑絕之感悟革行遭亂流
行宗表欲見之必自嚴飭從子孫侍婢乃引見之曰此先姑法也四時祭禮自親養牲釀酒曰夫祭禮之尊也年八十九卒惠英亦有淑訓母師之行者也

文姬獻敏宗祀獲歌

文姬南鄭趙伯英妻太尉

也父為梁冀所免兄憲公季公罷官歸

歎曰李氏滅矣乃與二兄議匿弟燮父門

生王成亡命徐州涕泣送之謂成曰託君以六尺之孤若李氏得嗣君之名義參於程杵矣久之遇赦燮得還行喪服闋勅之曰先公為漢忠臣雖死之日猶生之年梁冀以族弟幸濟豈非天乎慎勿有一言加梁氏加梁氏則連主上是又撥禍也奉行之徙成在徐州各異處傭賃而私相往來成病亡燮四時祭之

陳氏二謙或智或仁 陳順謙成固人也順謙適
鄧令曹寧十九寡居長育遺孤八十餘卒兄子
陳規著書歎述之惠謙適張亮則在扶風官下
吏白欲重禁嚴防以肅非元修訪於惠謙惠謙
曰恢私德教養廉免耻五刑三千蓋亦多矣又
何加也兄子伯師學仙道惠謙戒之曰君子疾
沒世名不稱不患年不長也且夫神仙愚惑如
繫風捕影非可得也伯思乃止陳伯臺稱云女
尚書之後耳

禮修順姑恩愛溫潤 禮修趙嵩妻張氏女也姑
酷惡無道遇之不以禮修終無愠色及寧父母
父母問之但引咎不道姑卒感寤更慈愛之鄉
人相訓曰作婦不當如趙伯高婦乎使惡姑知
變可謂婦師矣後姑病女來省疾姑却之曰我
以固當絕於賢婦手中後遭米賊嵩死乃瑋塗
面亂首懷刀託言病賊不逼也養遺生女依父
叔立義終身者也

樹南悼夫輕死重信 韓樹南南鄭人趙子賤妻

也子賤初為郡功曹李固之誅詔書下郡殺固
二子憲公季公太守知其枉遇之甚寬二子託
服藥死具棺器欲因出逃子賤畏法勅更驗實
就殺之及固小子燮得還子賤慮燮報仇債人
刺之燮覺告郡殺子賤初樹南諫子賤子賤不
從及臨死許共并命兄弟婢侍婢視守之經百
餘日乃怠白兄嫂念一死萬不得生不敢復圖
死也上下以為信然無幾時於幕下自殺
祁祁令姬如玉如金允矣淑媛齊德姜姪摠讚此

九人也

述漢中列女

右漢中士女讚第五凡三十四人

二十五人
九人女

梓潼士女

鎮遠敦壯立勳南瀕 文瀕字子奇梓潼人也孝
平帝末以城門校尉為犍為屬國遷益州太守
造開稻田民咸賴之孫述時拒郡不服述拘
其妻子許以公侯招之不應乃遣使由交趾貢
獻河北述平世祖嘉之徵拜鎮遠將軍封成義

侯南中咸為立祠子忱有令德為北海太守
戶遊玉碎高風金振 李業字巨遊梓潼人也少
執志清白太守劉咸慕其名召為功曹不詣咸
怒欲殺之業徑入獄咸釋之公孫述累聘不應
述怒遣鴻臚尹融持毒藥酒逼之業笑曰名不
可毀身可殺不可辱也遂飲藥死述耻殺善士
賜錢百萬子暈逃匿不受建武中察孝廉為遂

文令

文堅字文堅梓潼人也太

守丁羽察舉孝廉司徒舉治劇為沅陽侯相高
陵令立文學以禮讓化民遷太守上封吏守關
請之三年不絕以子願師事少府李膺膺誅自
免久之拜成都令遷益州太守上封吏民涕泣
送之至沮者七百人白水縣者三百人值益州
亂後來斛千錢穀至恩化暢洽比去米斛八錢
鳩鳥巢其廳事孕育而去三府表薦徵拜議郎
自免歸州牧劉焉表拜都尉為人廉正疾淫祠
勅子孫惟修善為禱仁義為福年八十一而卒

盛國好學研蹟聖真 楊充字盛國梓潼人也少
好學求師遂業受古學於扶風馬季長呂叔公
南陽朱明叔潁川白仲職精究七經其朋友則
潁川荀慈明李元禮京兆羅叔景漢陽孫子夏
山陽王叔茂皆海內名士還以教授州里常言
圖緯空說去事希略疑非聖不以為教察孝廉
為即卒

漢伯肄業諸生之統 景鸞字漢伯梓潼人也少
與廣漢郝伯宗蜀郡任叔本潁川季仲勃海孟

元叔遊學七州遂明經術還乃撰禮略河洛交
集風角雜書月令章句凡五十萬言太守闕旣
命為功曹察孝廉舉有道博士徵不詣然上陳
時政言經得失又戒子孫人紀之禮及遺令期
死葬不設衣衾務在節儉甚有法度卒終布衣
伯僖劾志 張壽字伯僖涪人也少給縣丞放
為佐放為梁賊所得壽求之積六年始知其生
存乃賣家鹽井得三十萬市馬五匹往贖放道
為羗所劫掠盡凡往二年計道遠不可得數乃

單身詣虜涕泣自說虜哀其屢來遣放隨還郡
召為中候詔書除丞尉以身佩印盡讓所有財
物與三弟復為郡掾章平賦役歲出二百五十
萬遷功曹吏徙五官掾卒

李餘殘身 李餘涪人父早世兄夷然人亡命母
慎當死餘年十三問人曰兄弟相代能免母不
人曰趣得一人耳餘乃詣吏乞代母死吏以餘
年小不許餘因自死吏以白令令哀傷言郡郡
上尚書天子與以財葬圖畫府庭

童人李餘涪
人可考於先
漢上女日篇

寇王二子行勇以仁 寇字宰朝梓潼人也與

邑子侯勇俱學涼州勇後為勃海王象所殺祺
杖劍至象家值象病象謝曰君子不掩人無備
安有為友報讎殺病人也祺乃還久之復往然
象由是察孝廉為壩陵令濟陰相王晏字叔博
涪人也與廣漢張昌甯叔受業大學昌為河南
呂條所然晏叔殺條事在叔解

李助多方以茲立稱 助字翁君涪人也通名方
校醫術作經方頌說名齊郭玉

以下闕文義不
可曉不錄

章武之興亦迪才倫德賢好古澹心藝文 李仁
字德賢涪人也益部多貴今文而不崇章句仁
知其不博乃游學荊州從司馬德操宋仲子受
古學以修文自終也

國輔皓然形動神沉 杜微字國輔涪人也任安
弟子先主定蜀常稱聲闔門不出建興二年三
相亮領州牧選為主簿輿而致之亮引見與書
誘勸欲使以德輔時微固辭疾篤亮表拜諫大
夫從其所志

思潛遊學休志素林 尹默字思潛涪人也少與
李仁俱受學司馬徽宋忠等博通五經專精左
氏春秋自劉歆條例鄭衆賈逵父子陳元方照
虞注說略皆誦述希復案本以左傳授後主後
主立拜諫議大夫丞相軍祭酒子宗亦為博士

并

欽仲朗博訓詁典墳 李謨字欽仲仁子也少受
父業又講問尹默自五經四部百家諸子伎藝
筭計卜數醫術弓弩機械之巧皆致思焉為太

子中庶子古中即將著古文周易尚書毛詩三
禮左氏注解太玄指依則賈馬異於鄭玄與王
肅初不相見而意歸多同

孫德果銳作劉幹臣 李福字孫德涪人也先主
初為成都令建興九年遷巴西太守後為江州
都督揚武將軍入為尚書僕射封平陽亭侯延
熙初以前監軍司馬福同郡梓潼文恭仲寶亦
以才幹為牧亮治中從事丞相參軍

衍衍衛彥玉潤蘭芬劭名表器江漢之後總讚十

五人也

述梓潼人士

季姜雍穆化播二婦王氏世興寔由賢母 季姜
梓潼文氏女將作大匠廣漢王敬伯夫人也少
讀詩禮敬伯前夫人有子博女紀流二人季姜
生康稚芝女始示凡前後八子撫育恩愛親繼
若一堂祖母性嚴子孫雖見官二千石猶杖之
婦跪受罰於堂歷五郡祖母隨之官後以年老
不顧遠鄉里姜亦常侍養左右紀流出適分已

侍婢給之博好寫書姜手為作表於是內門祀
化動行推讓博妻健為楊進及博子遵婦蜀郡
張叔紀服姑之教皆有賢訓號之三異堂亡姜
勅康稚芝婦事楊進如舅姑中外則之皆成令
德季姜年八十二卒四男棄官行服四女亦從
官舍交赴內外冠冕百有餘人當時榮之王氏
遂世與

杜慈專專父不諒只 涪杜季女者巴郡虞顯妻
也十八適顯顯亡無子季欲改嫁與同縣楊上

受命虞氏虞氏早亡妾之不幸當生事賢
姑死就養成室存亡等但欲在終供養亡不有
恨願不易圖季知不可告而奪也乃密謀與強
逼迫之慈縊而死

敬揚雪讎壯踰烈士 敬揚涪郭孟妻揚文之女
也始生失母八歲父為 關盛所殺無宗親依外
祖鄭行年十七適孟孟與盛有舊盛數往來孟
家敬揚涕泣謂孟曰盛凶惡薄命為女無男昆
惡讎未報未嘗一日忘也雖婦人拘制然父子

恩深恐卒狂惑益君患禍君宜踈之孟以告盛
盛不納安漢元年盛至孟家敬湯以大杖打殺
盛將自殺孟止之與俱逃涪令雙勝出追聞其
故而止安慰二門會赦得免中平四年涪令向
遵為立圖表之

惟茲三媛仁暢義禮邦有斯嬪以馳遐紀摠讚二
人

述梓潼列女

右梓潼郡士女讚第六

凡士女十八人 十五人
三人女

曰二州人士自漢及魏二百四十八人而已 一百

九十一人
十一人女士五 後賢二十人
合二百六十八人以

示來世之君子焉如其遺脫及後世可書者願
貽後儒又春秋穀梁傳首叙曰成帝時議立三
傳博士巴郡昏君安獨駁左傳不祖聖人後漢
時魏郡太守王牧薦尹方為三公天子詔尚書
郎蜀郡張俊策之然不詳其行

誤曰二州人士自漢及魏可謂衆矣何者世宗多

士則相如麟遊伯司鳳翔洛下雲翳叔文龍驤
在孝宣則王褒蔚炳中和作詠屬文甘泉葩為
世鏡在元成則君公蹇蹇心思國病慮經劉危
直忤王聽其高者則蒞君味道易俗移風仲元
端委居為人宗若夫秉心塞淵與物盈冲則揚
子雲也名重太山華夏仰崇則鄭子真也不屈
其身志高青雲則譙玄也不耻惡君混道推運
則揚宣也降及建武明章以來出者則能內貫
朝揆外播五教贊和鼎味經綸治要上蒼太階

下允民照處者則利居槃桓皓然玄躡天爵翫
之人爵則咲懸車門肆夷惠齊紹若斯之倫海
內服其英名洙泗方其煥耀矣故曰漢徵八士
蜀出其四又曰漢具四義蜀選其二可謂不衆
乎然巴郡胥君安以儒學典雅稱於孝成蜀郡
張俊策問尹方不出五經常議捷為昌孟有託
孤之節若茲之類郡邑往往垂象刻銘見有苗
裔瓌晚生長乳故老以沒莫所咨質不詳其事
但依漢書圖誌陳君所載凡上女二百四十八

人而已後賢二十人合二百六十八人以示來
世之好事者如能詳其遺脫及有可書願附於
左

其傳志父祖子孫及有名失事失官位者不列寧
州人士亦不列別為目錄至晉元康末凡三百
九十二人

華陽國志卷之十下